



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, MAEHE 26, 1908.

PANUITANGA KOOTI WHENUA MAORI.

OTA I RARO I TEKIONA 39 O "TE TURE KOOTI WHENUA MAORI, 1894."

I ROTO I TE KOOTI WHENUA MAORI O NIU TIRENI.

Mo runga mo te tono a Mihi Puketapu, i raro i tekiona 39 o "Te Ture Kooti Whenua Maori, 1894," kia whakatikaina te ota o te Kooti o te 4 o nga ra o Akuhata, 1887, whakatu kai-riiwhi mo Wiremu Rangiawhio Porutu, kua mate, i roto i te Omata Nama 5 Poraka (Ratapihipihi).

NOTEMEA i tukuna atu e au te tono kua whakahuaina i runga ake nei ki te Kooti Whenua Maori kia uiuia kia ripoatatia hoki, a ripoatatia ana: A notemea i pohehe te mahuetanga o nga ingoa o nga tangata ka whakahuatia i raro nei ki waho i aua ota kai-riiwhi:

No reira, hei whakatika i taua mahi pohehe, i runga hoki i nga mana kua whakawhiwhia ki au e taua tekiona 39 kua huaina nei, tenei ka whakataua e au ko taua ota kai-riiwhi ki a Wiremu Rangiawhio Porutu, kua mate, o te 4 o nga ra o Akuhata, 1887, mo runga mo te Omata Nama 5 Poraka (Ratapihipihi), me whakatika penei, me apiti atu ki taua ota hei kai-riiwhi mo te tupapaku nga ingoa e whai ake nei: Ihaha Porutu Puketapu, $\frac{1}{2}$ hea; Hirini Puketapu, $\frac{1}{2}$ hea; Piripi Puketapu, $\frac{1}{2}$ hea; me Raepakoko Puketapu, $\frac{1}{2}$ hea.

Ina hoki toku ringa, he mea tuhi i tenei te 24 o nga ra o Maehe, 1908.

Na TIAKIHANA PAAMA, Tumuaki Kai-whakawa.

TONO I RARO I TEKIONA 39 O "TE TURE KOOTI WHENUA MAORI, 1894," KUA WHAKAKOREA.

I ROTO I TE KOOTI WHENUA MAORI O NIU TIRENI.

Mo runga mo tetahi tono i raro i tekiona 39 o "Te Ture Kooti Whenua Maori, 1894"; a mo nga whenua e mohiotia ana ko Tapuaeroa Nama 18 me Ngamoehua Nama 1; a mo runga mo te tono a Heni Hautao Parata ki te Tiati Tumuaki o taua Kooti kia whakatikaina nga ota a te Kooti o te 15 o nga ra o Tihema, 1892, whakatu kai-riiwhi mo Ani Kahutawhiti, kua mate.

NOTEMEA kua tukuna te tono kua huaina i runga ake nei ki te Kooti Whenua Maori kia uiuia kia ripoatatia, a kua puta te ripoata, ka whakakorea nei taua tono; a tera e ahei ana taua kai-tono ki te tuku mai i tana piira mo tenei whakatau i roto i nga ra e toru-tekau i muri atu i te ra e faia ai tenei panui ki roto ki te *Kahiti*.

Ina hoki toku ringa, he mea tuhi i tenei te 24 o nga ra o Maehe, 1908.

Na TIAKIHANA PAAMA, Tumuaki Kai-whakawa,